

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj 7/10), a u vezi sa članom 139. stav 1. Poslovnika Skupštine Zeničko-dobojskog kantona - Treći prečišćeni tekst („Službene novine Zeničko-dobojskog kantona“, broj: 14/18, 18/18 isp., 7/19 i 7/20), razmatrajući Amandman II poslanice u Skupštini Zeničko-dobojskog kantona Maide Tanović, podnesen na prijedlog Zakona o predškolskom odgoju i obrazovanju, Vlada Zeničko-dobojskog kantona, na 93. sjednici, održanoj dana 08.02.2021. godine, d o n o s i

ZAKLJUČAK

I.

Vlada Zeničko-dobojskog kantona ne prihvata Amandman II poslanice u Skupštini Zeničko-dobojskog kantona Maide Tanović, podnesen na Prijedlog Zakona o predškolskom odgoju i obrazovanju.

II.

Zaključak sa obrazloženjem u kome su sadržani razlozi zbog kojih se ne prihvata Amandman II upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02-_____/21
Datum, 08.02.2021. godine
Zenica

PREMIJER
po Odluci predsjedavajućeg Skupštine

Mirnes Bašić

DOSTAVLJENO:

1x Ministarstvo za obrazovanje, nauku, kulturu i sport,
1x Stručna služba Skupštine,
1x a/a.

OBRAZLOŽENJE

I. PRAVNI OSNOV

Pravni osnov za donošenje Zaključka sadržan je u članu 16. stav 4. Zakona o Vladi Zeničko-dobojskog kantona („Službene novine Zeničko-dobojskog kantona“, broj 7/10- Prečišćeni tekst („Službene novine Zeničko-dobojskog kantona“, broj 7/10) i članu 139. stav 1. Poslovnika Skupštine Zeničko-dobojskog kantona - Treći prečišćeni tekst („Službene novine Zeničko-dobojskog kantona“, broj: 14/18, 18/18 isp., 7/19 i 7/20)

II. RAZLOZI ZA DONOŠENJE

Razmatrajući Amandman II poslanice u Skupštini Zeničko-dobojskog kantona Maide Tanović podnesen na Prijedlog Zakona o predškolskom odgoju i obrazovanju, u članu 65. se dodaje stav (3) koji glasi: „Obavezu finansiranja asistenata za djecu za koju je nemoguće da se u vrtić uključe bez asistenta“, Vlada Zeničko-dobojskog kantona nije prihvatila.

Naime, nakon brojnih sastanaka sa Ministarstvom za rad, socijalnu politiku i izbjeglice Zeničko-dobojskog kantona u pogledu prihvatanja obaveza u vezi sa provođenjem Zakona o predškolskom odgoju i obrazovanju, a u skladu sa Okvirnim zakonom o predškolskom odgoju i obrazovanju u Bosni i Hercegovini, utvrđeno je da propisima iz oblasti rada ovog ministarstva nije definisana obaveza finansiranja asistenata za djecu za koju je nemoguć rad bez asistenata.

Bliže odredbe o organizovanju djece/grupa predškolske dobi pri odgojno-obrazovnim ustanovama za djecu s teškoćama u razvoju regulisat će se Pravilnikom o inkluzivnom obrazovanju djece s posebnim potrebama koje donosi Ministarstvo, što je članom 18. stav (4) ovog Prijedloga Zakona i predviđeno.